



"The Entrepreneurial University"

Portal Rasmi  
UNIVERSITI MALAYSIA KELANTAN

Bahasa Melayu English Lain-lain | ●●●

Carian...

Staf  
Email Staf  
Portal Staf

[Utama](#)

[Info UMK](#)

[Pra-Siswazah](#)

[Pascasiswazah](#)

[Fakulti /Pusat](#)

[Fakulti Keusahawanan & Perniagaan](#)

[Fakulti Teknologi Kreatif & Warisan](#)

[Fakulti Perubatan Veterinar](#)

[Fakulti Industri Asas Tani](#)

[Fakulti Sains Bumi](#)

[Pusat Bahasa dan Pembangunan Insaniah](#)

[Pusat Pengajian Siswazah](#)

[Kampus](#)

Laman Facebook Alumni  
Laman Web HEPA

[Utama](#) ▶ [Berita Terkini](#) ▶ [UMK dan AKEPT anjur Program Pembangunan Kepimpinan Inovasi Dan Transformasi Pensyarah Muda \(KIT 2012\).](#)

## UMK dan AKEPT anjur Program Pembangunan Kepimpinan Inovasi Dan Transformasi Pensyarah Muda (KIT 2012).



KOTA BHARU 31 Oktober - Universiti Malaysia Kelantan (UMK) melalui Pusat Pengajian Siswazah menganjurkan program Pembangunan Kepimpinan Inovasi Dan Transformasi Pensyarah Muda (KIT 2012) bagi melahirkan pensyarah muda yang memenuhi sebahagian daripada keperluan latihan Critical Agenda Programs (CAPS) Leadership Programme.

Program KIT 2012 Peringkat Zon Timur siri kedua ini adalah kerjasama UMK dan Akademi Kepimpinan Pengajian Tinggi (AKEPT), diadakan selama dua hari bermula pada 30 hingga 31 Oktober 2012, di Hotel Renaissance, Kota Bharu, Kelantan.

Naib Canselor Universiti Malaysia Kelantan, YBhg. Profesor Datuk Dr. Raduan bin Hj. Che Rose berkata, penganjuran program KIT 2012 adalah selaras dengan agenda untuk menjadikan Malaysia sebagai sebuah negara yang berpendapatan tinggi dan mencapai status negara maju.



Beliau menjelaskan, ini adalah seperti mana yang digarapkan di dalam Pelan Transformasi Ekonomi (ETP) dan Pelan Transformasi Kerajaan (GTP) yang memerlukan pensyarah-pensyarah yang berkualiti tinggi bagi melahirkan generasi yang memiliki minda kelas pertama.

"Secara langsung, program KIT 2012 adalah selari dengan gagasan memperkasakan bakat akademia di dalam menyokong rancangan Pelan Penggantian Pengajian Tinggi (Succession Planning in Higher Education Institution) bagi memenuhi keperluan pembangunan negara pada masa kini dan di masa hadapan," katanya.

Beliau berkata demikian kepada pemberita selepas forum tentang Peranan Pensyarah Muda Dalam Menjayakan Pelan Transformasi Negara, di Hotel Renaissance, Kota Bharu, hari ini.

Antara ahli panel pada forum itu ialah Setiausaha Bahagian Dasar dan Antarabangsa Kementerian Pengajian Tinggi, YBhg. En. Ahmad Nazri bin Sulaiman, Naib Canselor UMK, YBhg. Prof. Datuk Dr. Raduan bin Hj. Che Rose dan Profesor daripada Jabatan Pediatrik, Pusat Pengajian Sains Perubatan, Universiti Sains Malaysia, YBhg. Prof Dr. Zabidi Azhar Mohd Hussin.

Manakala Penolong Naib Canselor UMK, YBhg. Prof. Dr. Mohamad Kamal bin Hj. Harun sebagai moderator.

Menurut Prof. Datuk Dr. Raduan, melalui program KIT 2012 ini, para pensyarah-pensyarah muda harus mempersiapkan diri bagi menyahut cabaran profesion yang kian kompetitif dan bersifat global. Beliau juga berharap program ini mampu menjadi platform bagi pensyarah-pensyarah muda untuk berdialog dan bertukar pandangan secara sihat serta melontarkan idea-idea bernas di dalam memupuk budaya kecemerlangan, pengajaran, penyelidikan dan penglibatan masyarakat.



Peserta program KIT 2012 adalah terdiri daripada pensyarah-pensyarah muda dari Universiti Teknologi Mara (UiTM), Machang, Universiti Sains Malaysia (USM), Kubang Kerian, Universiti Malaya (UM) Nilam Puri dan UMK.





Bilangan Pelawat :  
297598

[Penafian](#)  
|  
[Dasar Privasi](#)  
|  
[Dasar Keselamatan](#)  
|  
[Soalan Lazim](#)  
|  
[Hubungi Kami](#)  
|  
[Bantuan](#)  
|  
[Peta Laman](#)

Hakcipta © 2012 Portal Rasmi Universiti Malaysia Kelantan.  
Paparan Terbaik Mozilla/Firefox/IE/Safari/Camino/Opera Friendly  
Universiti Malaysia Kelantan, Karung Berkunci 36, 16100 Pengkalan Chepa, Kota Bharu, Kelantan  
Tel : +609 - 7717000  
Fax : +609 - 7717022  
Email : webmaster@umk.edu.my  
Tarikh Kemaskini: 05/11/2012, 00:33:29.